

何惜入地獄。語壯心益悲，肝膽皆可讀。初陽有來復，無用痛蒿目。相將厲鋒鋸，長庚耀西陸。

智深而勇沈，豈遊酒人哉。朗朗譚笑姿，坐令風雷摧。一擊江漢波，再歌湘沅哀。安問平生交，杯酒坐塵埃。故園松竹屋，委委縱萍跡。相期走山澤，旦暮樹寸尺。謝電無停光，肝膽即木石。浩浩千古心，長虹互天白。

危樓背夕照，閉戶千秋事。藉彼治亂跡，寄我康濟意。常云剝復理，通神在沈思。開張超恆流，俗議何足避！壯心方棲遲，逸情寫墨蟹。江湖幾橫行，付之解人解。岷汝舊隱居，尙未熄烽壘。一歌青衿篇，中興惜芳芷。

二月七日飛航重慶

李仙根

又逐冥鴻修夜飛，乘風傍氣破天圍。憑虛覓覺身無礙，寒重纔知月滿衣。故國瞬成千里隔，舊巢長記十年歸。北征臣甫憂虞甚，遲暮何曾心事違！

行路艱難今更知，一年三度賦驅馳。杞憂天不先心墜，朔笑人從一管窺。高舉便疑斯世窄，多聞翻喜此生遲。今朝又在青雲上，得句荒唐記少時。

飛機迷霧迫降資陽東家壩

天路原來亦有歧，楊朱何怪致深悲。迷陽早識能傷步，苦霧渾如未展眉。已分此身隨轉轂，真成一線是生機。將軍比擬從天降，百姓遮迎但好奇。

雨宿資陽